

Ti Sonson pa kouyon

Ti Sonson, wou, sa'w té ké fè ?
Pri pwason- an ka wosé toubonman
Man ni pobleman pou achté atjolman.
Vini péchè , ou ké ni entèrè.
Simié lajan'w fè'w avwè an afè,
Olié sé péchè ki genyen'y a tout lè

Ti Sonson, wou, es ou té kay péyé?
Lenpo san pitié ka ralé lajan- mwen.
Si man péyé, moun kay- mwen ké mò fen.
Suiv taktik Lenpo, i pa konnet sa ki koulé.
Simié fè lajan rantré, épi anpéché'y chapé,
Olié ped tet-ou, sé soulajman ou ké trapé.

Ti Sonson, wou, di mwen es lé zafè pa cho.
Yo kriyé mwen politisien komédien
Démisionné? San manda, man ké an chien!
Desten'w sé majisien, moun ké kriyé bravo
Simié ni an manda pou an boulo rigolo,
Olié élektè noté'w épi an zéwo o boulo.

Ti Sonson, wou, es ou pé sipòté sa?
Epi kovid , maladi red, swen red, sé lanmò!
Péyi- a pa asé fò , sa kay kontinié ankò.
Ni mwayen pou nivo swen pa bay anba.
Simié tonbé dakò pou lasanté toujou la,
Olié ped tan an blablabla ka potjiré traka.

18/09/21- Jozef GALONDE